



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt XII. a Idem.

[urn:nbn:de:hbz:466:1-74544](#)

N O T A E.

non tamē reperire potui textū hunc inter epistolā
Innocentii editas à Sirleto , & Bosqueto : ideo
cognosci nequit quibus Prælatis verè rescribat
Innocent. & de cuius pugatione in eo agat.

C A P V T XII.

^a Idem.

CVm in juventute sua. *Et infra:* Quia verò pater filium, quem diligit, corripit : nos eudem Episcopum per literas nostras corripimus, etiam injungentes eidem ad maiorem cautelam, ut ab illius familiaritate cessando, apud Deum, & homines taliter se haberet, quod sinistra de ipso suspicio non possit haberi : sed inimicus homo rescriptum literarum illarum subripiens, apud prædictum Regem, & Magnates regni ipsum nequiter publicavit, ut sic idem Episcopus deberet amplius infamari, cum videretur esse nobis incredibilis, & suspectus. Vnde nos tantam æmulorum nequitiam attendentes, licet pulsati fuerimus multotiens contra eum, nunquam tamen adversus ipsum potuimus commoveri, scientes, quod dictum faciliè sequitur multitudo. Vbi verò idem Episcopus ad Antigonien. Metropolim extitit postulatus, quidam qui super ipsa postulatione adversabantur eidem, ut promotionem ipsius facilius impidirent, illius criminationis carbones reaccendere sunt moliti. Vnde quidam procurator ipsius in nostra præsentia constitutus de consilio quorundam amicorum suorum, qui super hoc quidem bonum zelum habebant, sed non secundum scientiam, cœpit à nobis in præsentia fratrum nostrorum cum instantia postulare, quatenus eidem Episcopo purgationem canoniam faceremus indici, ut suam innocentiam demonstraret. Nos autem postulationem ipsius minus providam, immò nimis improvidam reputantes, procuratorem ipsum ab ea sàpe volumus revocare. Cumque sàpientius Episcopus non videretur apud bone, & graves de illo crimine infamatus, cum Coepiscopi super hoc ex mandato Apostolico requisiti laudabile testimonium de ipso nobis curaverint exhibere, tamē quia talis infamatio videbatur ab inimicis, & æmulis processisse, sicut superius est expressum: unde cù antea ãta ejus vita commendabilis extitisset, & hujusmodi facinus incredibile existeret, non credebamus ei purgationem aliquam indicandam. Cæterum quia procurator instabat, compulsi fuimus non juris necessitate, sed importunitate pectoris, ut ei per vos purgationem canoniam cum duobus Abbatibus mandaremus indici, quamvis eidem procuratori fuerimus protestati, quod ex alia quoque causa talis petitio minus providè tunc fiebat, quia videlicet Strigonien. Ecclesie suffraganei vix eo tempore purgarent eundem, quia in facto postulationis contradicebant eidem ; & suffraganei Colocen. Ecclesie ipsum minimè tunc purgarent, quia inter eum, & Colocen. Archiepiscopum de Strigonien. Metropoli contentio vertebatur. Vnde cùm non sint alii Pontifices in Vngaria, merito videbatur, quod per Episcopos regni sui non posset in illo articulo se purgare.

N O T A E.

^a **I**dem.) Ita similiter legitur in tertia collecti-
one, sub hoc tit. cap. 3. sed veram inscriptionem &
integrā literā dedi in cap. cùm in juventute 15. de
presumpt. ubi extat alia pars præsentis Decretalis.

C A P V T XIII.

Idem. ^a *Tyrensi Archiepiscopo*

DE testibus. *Et infra:* Illi verò, qui ad purgandam hujusmodi infamiam inducuntur, id solùm tenentur juramento firmare, quod veritatem eum credant dicere, qui purgatur.

N O T A E.

^a **T**yrensi.) Ita etiam legitur in tertia colle-
ctione sub hoc tit. cap. 4. & in cap. de testibus, 29.
de testibus, ubi integrā epistolam hanc dedi-
mus

CAPUT